



In'ateista ha fuffergnau en claustra a Müstair

Gülsha Adilji – viviu ed urau cun las benedictinas

■ (cp) Tgei fa in liug ruasseivel che drova atenziun? Ins envid'en ina persona renomada che tscherca il ruaus. Aschia ha Gülsha Adilji passentau zacons dis en tutta calma e ruaus en claustra a Müstair cun urar e discussiunar sur da religiun. Envidad'en era ella vegnida el rom dalla «Campagna pintgas miracles mundialas». *Gülsha Adilji*, in'ateista ed oriundamein muslima, ei enconuschenta sco moderatura, artista e star dallas medias socialas. Sia veta passenta ella en gronds marcaus sco Turitg e Berlin.

Cumpogna dad Adilji en claustra a Müstair ei sora *Domenica Dethomas* stada. Ella ha passentau la gronda part da sia veta en claustra a Müstair ed era tochen avon cuort temps schizun priura. Duront treis dis han Adilji e sora *Domenica* passentau ensemen en claustra cun urar e

meditar. Omisduas seigien stadas – malgrad ch'ellas hagien ton sco nuot cumineivel – surstadas con sempel e nuncumpleicau che tut seigi stau ed iu.

Adilji ei fetg critica viers religiuns e di en siu program sin tribuna il meini tut agradora. Concernent sia viseta alla claustra vevi ella perquei empau resalvas e gie buca far enzatgei falliu. Perquei eis ella adina stada plitost anavos e surtut mirau tier tgei che las soras fagevan ed ei s'orientada tenor ellas. Malgrad urar intensivamein eis ella restada dalla damaun tochen la sera peschuada ateista.

Treis dis ha Adilji giu ruaus, negin stress, canera, squetsch da stuer prestar e senza medias socialas. Tut quei ch'ella ha gi fatg seigi stau: urar, magliar e bia silenzi. Malgrad – u forsa gest pervia da quei – seigi il temps ius spert. Far oraziun seigi tuttaviva buca stau aschi lungurus sco spitgau, malgrad ch'ella ha gi sco musli-

ma pauc experientscha cun survetschs divins cristians. Ils texts hagien denton fascinau ella.

Grazia a sora *Domenica* ei Adilji sentida bein. L'anteriura priura ha gi rispundiu aviartamein e senza tabus allas damondas e seigi stada fetg cordiala. Quei vali insumma era per las mungias da Müstair. Sora *Domenica* ha mo ludau l'ateista. Quella ha gi meritau il privilegi da survegnir investa ella veta monastica zuppada. Ella seigi stada fetg aviarta ed ha gi surtut giu veseivlamein plascher dall'oraziun el chor e schau percorscher in grond ruaus.

Schebein Adilji daventi zacu cartenta, seigi grev da dir, ha sora *Domenica* manegiau. Mo la mungia da Müstair crei che l'ateista tuorni puspei, sco ella ha gi era confirmau. Mintgacass ha gi ella gu diu la Val Müstair ed il ruaus en claustra.



L'anteriura abadessa sora *Domenica Dethomas* ensemen cun l'ateista *Gülsha Adilji* en claustra a Müstair.

MAC